

УАССР-ысь Вавож ВВП(б) райномлэн но райисполкомлэн газетсы

ИЗБИРАТЕЛЬНОЙ КАМПАНИЛЭСЬ УСПЕХ'ЁССЭ ЗАКРЕПИТЬ КАРОНО

Союзной но Автономной республикаослэн Верховной Совет'ёсазы быр'ён'ёс ноку адзылымтэ жутсконэн ортчизы. Та быр'ён'ёс, СССР-лэн Верховной Советаз быр'ён'ёс сярысь эшшо но умойгес, эшшо но организованногес ортчизы. Сое, избирательёслэн быр'ён'ёсын участвовать каремы сярысь процент но коммунист'ёслэн но беспартийнойёслэн блоксылэн кандидат'ёсыз понна сётэм голос'ёслэн процентсы умой возьмат.

Союзной но автономной республикаослэн Верховной Совет'ёсазы быр'ён'ёсын коммунист'ёслэн но беспартийнойёслэн блоксылэн великой победаез асьмедыс обяывать каре эшшо но умойгес ужаны, асьме великой родинамылэсь мощьёс юматаны. Верховной Совет'ёсы быр'ён'ёслэсь победазэс юматасы, партийной организациослы социалистической строителство лэн вань участок'ёсаз виль вормон'ёс басытон улсын, массаен связь возёнэз эшшо но паськытатон.

Быйыськон кампания дыр'я партийной организациос предприятиясын, колхозной бусыосын, городын но гуртын неорганизованной калык пöлын паськыт агитационно-пропагандистской уж нуизы. Асьме Удмуртской республикаысь тымы но город'ёсысь, совхоз'ёсысь, колхоз'ёсысь но мукет участок'ёсысь избиратель'ёс, избирательной кампания дыр'я большевистской агитациен охватить карымтэез өз ни кылы. Котыкуд партийной организацилен почетной но важнейшой задачаез — та массовой агитацилэсь размахсэ юматон.

СССР-лэн Верховной Советаз быр'ён'ёслы дасяськон дыр'я агитационно-массовой уж паськыт вöлмытэмын вал. Та ужын сюэн сюрсэн партийной но беспартийной активист'ёс-агитатор'ёс ужазы. СССР-лэн Верховной Советаз депутат'ёсты быр'ем бере, тросаз сельсовет'ёсын но колхоз'ёсын та прекрасной активез ыштылызы. Соосын нокин ужас бй ни вал. Парти райком но первичной парт-организациос быр'ён'ёсты ортчятэмен буйгатскизы. Парт-организациослы сыче ошибкосты допустить кароно бй

вал но со нош ик шöдиське ни. МТС-ысь парторганизация, комсомолэн ляб ужа, тракторной отряд'ёсын но нокиче умойгес уж'ёс син шоры уг адскыло.

Комсомолец'ёс Верховной Совет'ёсы быр'ён'ёс дыр'я участокын бадзым агитационно-пропагандистской уж лэстызы, нош быр'ён'ёс ортчем бере, участокын тросэз комсомолец'ёс уг ни ужало. Тани Верховной Совет'ёсы быр'ён'ёслэсь азыло неграмотной'ёсты но малограмотнойёсты дышетон симаськымон пунктэмын вал, нош ю октон-калтон кампани вуыны кутскиз но Н.-Бия, Б.-Можга, Ср.-Волково но Гурезь-Пудга сельсовет'ёсысь колхоз'ёсын неграмотнойёсты но малограмотнойёсты дышетон аналтиськиз.

Буйгаткыса ужам колхоз'ёсын но шöдиське, Верховной Совет'ёсы быр'ён'ёслы дасяськон дыр'я кадь напряженно ужась öвöл ни. Организовать карем кружок'ёс ваньмыз уг ужало ни. Кудогез ужало ке но буйгатскем мылкыдын гинэ ужало на. Та че факт'ёс „Актив бедноты“, Сталинлэн нимыныз нимам-колхозын, Тушмо но мукет'ёсаз колхоз'ёсын вань.

Агитационно-пропагандистской ужлэсь лябомемзэ та че факт гинэ но умой возьматэ. „Куиньметй Пятилеткалэсь заемзэ“ вöлдон уж районамы туж каллен мынэ. Тани Водзиможня сельсоветын 14 июльы 52 процентлы сяна заемлы гожсконэн охватить каремын öвöл. Тужгес ик урод Б.-Можга сельсоветын, туннэ нуналлы трудящейёс 42 процентэз гинэ подпискаен охватить каремын. Талэсь пöртэм ик öвöл Карсинской но Кам.-Ключинской сельсовет'ёсын.

Сельсовет'ёслэн но колхоз'ёслэн председателёссылы туэ аре хозяйственно-политической уж'ёсты дырыз дыр'я но виль качествоен быдэстыны понна вань ужась кужымез мобилизовать кароно, соос пöлын паськыт агитационно-пропагандистской уж нуоно. РСФСР-лэн но УАССР-лэн Верховной Совет'ёсазы избирательной кампания дыр'я трудящейёслэсь жутскем энтузиазмзэс использовать кароно. Достигнуть карем успех'ёсты нуналысь-нуналэ кужмотоно.

РСФСР-лэн Верховной Советэз-лэн первой сессияз

РСФСР-лэн Верховной Советэзлэн депутат'ёсыз Шленов Д. В., Сунцова Л. К., Соловьев А. В., Мымрин П. С., Максимов С., Иванова П. И., Ардашев К. П. но Симонов С. Г. РСФСР-лэн Верховной Советэзлэн первой сессияз участвовать каро.

Родинамылэн юнманэз понна

„Макарово“ колхозысь колхозник'ёс Куиньметй Пятилеткалэсь заемзэ нимысьтыз ик шумпотон'ёсын пумитазы. Та колхозысь колхозник'ёс одйгзы кылытэк заемлы гожтиськизы. Бидэс колхоз'я 8645 манет подписка лэстымын.

Соос шуо: „Милям доход'ёсмы но сбережениосмы будо. Улонмы шудо но шулдыр луэ. Родинамылэн юнманэз понна государствозы заем сётиськом“.

Колхозник'ёс взнос тыронзэс дырызлэсь азыло бидэстыны обещаться каризы.

В.

Взноссэс дырызлэсь азыло тыризы

„Актемыр“ колхозысь колхозник'ёс но колхозницаос бадзым шумпотон мылкыдын „Куиньметй Пятилеткалэн заемезлы (нырысетй арзэ потысь)“ гожтиськизы. „Актемыр“ колхоз'я 1145 манетлы заем вöлдэмын.

Колхозник'ёс но колхозницаос виль заемлы гожтиськыса, соку ик 300 манет взноссэс тыризы.

Озы ик бере өз кыле мукет'ёсыз но колхоз'ёс. „Валодор“ но Ст.-Яголуд колхоз'ёсысь колхозник'ёс но колхозницаос ваньзы ик огмылкыдын заемлы гожтиськизы но соку ик взноссэс 100 процентлы тыризы.

Вешняков.

ЕТЙН СЯСЬКАЯСЬКЕ

...Яркыт шунды синмез мальдытэ. Чидантэм пöсь, Шулдыр гужем а с кужымзэ возьматэ — писпу куар'ёс вылысен но, сяськаос ворек'ямен но, тылобурдоослэн крөзгыруенызы но.

Колхозной луд'ёсын та дыре котыкулэсь но шулдыр. Шулдырто валэс юос, чабей, сезы, йыды, сяськаяськись етйн. Гурезь-Пудга сельсоветысь „Виль ар“ колхозлэн бусыосаз удалтэм валэс юос будо, уката ик удалтэмын чабей. Нош солэсь но умой етйн удалтэмын. Тани „Парти“ бусылен клевер бервылаз Василий Леонтьевич Берзинлэн звеноезлэн етйнэз. Куинь гектар участок чеберлыз етйн сяськаен шобыртэмын — етйнлэн али самой сяськаяськон дырыз. Етйнлэн кузьдалаез метырлэсь нокизы но вакчи уз луы. Етйн пöлысь одйг жаг — турынзэ но уд шедьты.

Василий Леонтьевичлэн звеноез 10 центнер етйн мертчан басытыны малпа. Нош пересь колхозник'ёс оскыса верало, что одйг гектар вылысь етйн мертчан дас центнерлэсь но уно потоз. Сыче оскон токма шорысь öвöл. Умой но дырыз-дыр'я октон-калтон но умой вала-са обработать карон бордын али дыре вань ужан амал'ёс кутэмын луыны кулэ.

В. КОНЫГИН.

Ю октон-калтонэз дасяськыса пумитано

Волипельга сельсоветысь „Сулвай“ колхоз ю октон-калтонэз синмаськымон дасяськыса пумита. Та колхозын вань уборочной машинаос тупат'ямын, озимовой культураосты кизён кидыс шертыса дасямын, озы ик турын октон-калтон но быремын ини.

Соин чöш ик тросэз колхоз'ёс ю октон-калтонлы ляб дасясько. Тани Волипельга, Курчум колхоз'ёс ю октон-калтон кампанилы чик уг

дасясько. Уборочной машинаос тупат'ятэк, кудогез липеттэм азын сыло. Турын турнан но та колхоз'ёсын бырымтэ на.

Тани декада ортчыса колхоз'ёс озимой культураосты кизыны кутскозы. Нош уноез соос кизёнлы дасесь öвöл. Тани Бармино, Уё-Докья, Ст.-Баян колхоз'ёсын кидыс'ёсы шертылымтэсь. Соослэн чылкытыксы установленной стандартлы соответсвоовать уг каро.

Та че уж'ёс соин луизы, что колхоз'ёслэн председателёссы Бурин, Рязанов но Нечинаев кидыс шоры бездушно, чины пыртйзы учкизы.

Та ужпум'я тросэзлы колхоз'ёслы Райзо ласянь уно указаниос но конкретной ужпум'ёс сёт'ямын ни. Нош соос нокиче ужрад'ёс өз кутылэ.

Севастопольысь Архангельске гидросамолетэн пуксылытэк лобзон

2 июле Московской времяя 4 час но 36 минутын, военной летчицаос старшой лейтенант Полина Денисовна Осипенко, старшой лейтенант Вера Федоровна Ломако но штурман — лейтенант Марина Михайловна Раскова одйг моторо „МП-1“ гидросамолетэн Севастополь — Киев — Новгород — Архангельск маршрут'я пуксылытэк лобзонзэс кутскизы.

15 час но 09 минутын летчица Осипенко П. Д. Холмовской озерое (Архангельсклы 15 километр нуназе палаз) благополучной посадка лэстыз.

Вань 2416 километр ортчем сюрес, часлы 218 километр жоглыккен, 10 час но 33 минутын ортчемын.



Суред вылын (паллянысен буре): Осипенко, Раскова но Ломако эш'ёс.

Советской летчицаослэн азинскем'ёссы Всесоюзной рекорд'ёсын юнматэмын

СССР-лэн, Косаревлэн нимыныз нимама Центральной аэроклублэн авиационноспортивной комиссиезлэн президиумезлэн очередной заседанияз, куинь военной летчицаослэн П. Осипенколэн, В. Ломаколэн но М. Расковалэн беспосадочной лобзон'ёссы сярысь материал'ёс эскеремын.

Спортивной комиссиен сётэм материал'ёслэн основанызы, установить каремын, что Осипенко, Ломако, Раскова эш'ёс, „МП-1“ гидросамолетэн 2 июлэ Севастополь —

Архангельск (Холмовской озеро) маршрут'я нокитыч пуксылытэк 2371 километр но 990 метр лобзизы.

СССР-лэн Центральной аэроклубезлэн авиационноспортивной комиссиезлэн президиумез, военной летчицаослэсь достижениеоссэс, прямой но ломаной линиос'я всесоюзной женской рекордэн юматэ.

Озы ик летчица спортсменка Е. Медниковалэн 3 июле ортчем скоростной лобзонзэ сярысь материал'ёс но эскеремын. Легкой спортивной „Г-22“ самолетын со 100 километр'ем участокын часлы 164 километр но 940 метр'ем жоглыккык развить кариз.

Медниковалэн лобземеzlэн результатэз, куиньметй категория („С“ класс'я) всесоюзной женской рекордэн юматэмын.

Советской летчицаослэн рекордной лобзон'ёссы сярысь вань материал'ёс соосты международной женской рекорд'ёс кадь засвидетельствовать карон понна международной авиационной федерацилен (ФАИ) президиумаз ыстысько.

Егит нылкышноослэсь II районной конференциэс люкан сярэсь Вавожысь ВЛКСМ райкомлэн бюроезлэн 9 июле 1938 арын кутэм решениез

I. Егит нылкышноослэсь кыктэти районной конференциэс 1938 арлэн 14 августаз таче вопрос'ёсын люкано: 1) ВЛКСМ райкомлэн секретарезлэн егит нылкышноослэн нырысетй районной конференцизылэн решениезлэн быдэсмемез сярэсь докладэз, ВЛКСМ ЦК-лэн национальной республикаосын комсомоллэн ужамез сярэсь решениезлэн быдэсмемез; 2) Егит нылкышноослэн кыктэти республиканской конференциязы делегат'ёсты быр'ён но 3) СССР-лэн международной но внутренней политикаез сярэсь доклад.

II. Районной конференциэсь лыдзэ 120 адямилэсь установить кароно, соос пöльсь 103 муртсэ колхоз'ёсысь, дас витьсэ машино-тракторной станциясысь но 2 муртсэ крахмальной заводсь.

III. Районной конференци дырозь котькуд колхоз'ёсын, предприятиосын но МТС-ёсын егит нылкышноосын таче вопрос'ёсын собраниос ортчитоно: 1) ВЛКСМ райкомысь представительлэн егит нылкышноос пöлын культурно-массовой но политической ужлэн мьнэмез сярэсь докладэз; 2) районной конференцие делегат'ёсты быр'ён. Та собраниосыз 1 августысен 10 августозь тупатано.

IV. Райисполкомлэн президиумезлэсь районной конференциез орччтон сярэсь во-

просэз обсудить карыны куруно но котькуд сельсовет'ёслы, колхоз'ёслы, МТС-ёслы но крахмальной заводлы та ужез орччтонны ВЛКСМ райкомлэн представитель'ёсызлы практической ужез юрттон сярэсь указани сётоно.

V. Конференцие делегат'ёслэсь лыдзэс таचे порядоке люкылоно:

- 1) Вавожской с-с. 9 адями.
- 2) Лыстемской с-с. 8 адями.
- 3) Волпильгинской 9 адями.
- 4) Можгинской с-с. 7 адями.
- 5) Б-Докьянской 7 адями.
- 6) Возимонской 10 адями.
- 7) Мальканской с-с. 6 адями.
- 8) Н-Бипинской с-с. 9 адями.
- 9) Ст-Монинской 9 адями.
- 10) Крахмал завод 2 адями.
- 11) Ср-Волковской 8 адями.
- 12) Вавожской МТС 5 адями.
- 13) Волипельга МТС 10 адями.
- 14) К-Ключинской 8 адями.
- 15) Карсинской с-с. 6 адями.
- 16) Г-Пудгинской 7 адями.

VI. Егит нылкышноослэн II республиканской с'ездазы 5 адями делегат лэзёно.

VII. Вань первичной организациослэн секретарьёсылы районной конференцилы дасьяскон'я но та дасьясконэз азымын'я егит нылкышноосты комсомолэ кысконэн ознаменоват карыса, массовой но политической ужез вöлмытыны предложит кароно.

ВЛКСМ райкомлэн секретарез П. Шумихин.

Азымын'я комсомолка

Комсомолка Ардашева егит на. Солэн нимыз Акмарово колхоз'я но быдэс район'я дано нимен луиз. Со колхозной масса пушкын бадзым довериен пользоваться каре. „Выжы“ колхозысь колхозник'ёс солы Удмуртской АССР-лэн Верховной Советаз быр'ён'ёс дыр'я Б-Докьянской окружной избирательной комиссильсэ председателзэ воштысен ужаны оскизы. Ардашева ленинской комсомоллэн членэз луыса та бадзым довериез умой быдэстиз. Со котькыче ужын пример возматисен потэ.

Асьме шудо родинамылэн правительствеоз Куиньметй

Пятилеткалэсь заемзэ поттон сярэсь постановлени поттиз. Тае „Выжы“ колхозысь колхозник'ёс шумпотон'ёсын пумитазы но одйгзы кылытэк солы гожтыськызы.

Заемз вöлдон дыр'я но Ардашева активной ужасен вал. Со уполномоченной луыса ужас.

Али комсомолка Ардашева етйнлэсь выль урожай басытон бордын ужа. Со кылем толалтэ ик гектарысь 5 центнер етйн мертчан но 7 центнер кидысэ басытон вылысь обязательство басытиз. Со та обязательствоэ мултэсэн быдэстон вылысь ужа.

Гр. Пьянов.

Сталин эшлы зечкылан ыстйськом

Миям Б-Волково колхозамы нырысэ колхозной пинал'ёслы лагерь усыйськиз. Ми солы шумпотйськом но отын шулдыр чыдэтыськом.

Котькуд нунал барабанэн но кырзан'ёсын пыласкыны ветлыськомы. Товарищ Валя милемыз выль кырзан'ёсыз кырзаны но пöртэм пумо шудон'ёсыз шудыны дышатэ. Книгаосты но газет'ёсты лыдзйськом.

Жоген колхозник'ёслы асьмелэсь быгатон'ёсмес возматыса самодеятельной кружокен выступат каромы.

Али солы дасьяскон мьнэ.

Ми пинал'ёслэн колхозной лагеразы чыдэтысь пионер'ёс, ваньмы шудо пинал дыр понна Сталин эшлы зечкылан ыстйськом. Соин чöш ик асьме районьсь вань пинал'ёслэсь куриськом „Ленин'я“ газетэ гожтыны, кызы соос гужем каникулзэс орччито.

Сталинлэн нимыныз нимами звеноысь пионер'ёслэн группызы. Миловидов, Комаров А., Плехова А., Плехова Т., Миловидов П.

СССР-лэн Верховной Советэзлэн депутатэз летчик В. Коккинаки эш но замечательно штурман А. Бряндинский эш 7600 километрлэсь но уно шуг сюрес'ёсты 24



час но 35 минут кустын Москва - район Владивосток е выдающей беспоса дочной перелет лэстизы
Суред вылын: А. М. Бряндинский.

Севастополь - Архангельск маршрут'я Осипенко П. Д., Ломако В. Ф. но Раскова М. М. летчицаослэн пуксылытэк лобзонзылы.



Суред вылын: летчица старшей лейтенант П. Д. Осипенко

Райземотдел силос тыронэн но веточной сион дасянэн уг кивалты

Асьме район пудо-животлы толбытлы сион дасяны умоесь условиос имет каре. Нош та возможностьёс кызы использоваться каро? Со сярэсь верано ке но кычэ уж уг нуискы.

Райземотделэн колхоз'ёслы силос тырыны сётэм планэз одйг колхозын но быдэстымтэ. Туннэ нуналлы соос силос тырон бордэ өз кутскылэ на. Райземотдел та ужез уг кивалты. Колхоз'ёслы план сётиз но соин буйгатскыз. Нош план быдэсме-а уг-а, сое өз эскерылы на.

Райземотдел но колхоз'ёс 1935—1936 ар'ёслэсь урокэс

лыдэ уг басыто, лэся, куке уноез колхоз'ёс пудо сионлы йормызы. Таче состояние медад вуы шуыса колхоз'ёслы со орчем ар'ёслэсь урокэс лыдэ басытоно.

Котькуд колхозлэн силос но веточной сион дасяны быгатон'ёсыз вань. Со бордэ кутскем гинэ кулэ. Та уж аслаз значениез'я бадзым инты басытэ. Силос но куар сион, пудо сион'ёс пöльсь одйгеныз умой сионэн луэ. Озы бере та важнейшой уж бордэ чик жегатскытэк кутсконо. Нош райземотделлы таин кивалтоно.

В. Смирнов

Ю октон-калтонэз умой обслуживать кароно

Ю нянь октон-калтон кампани дыр'я колхозник'ёсты кулэ вуз'ёсын обслуживать каронын сельпоос но соослэн отделениосы тужгес ик кужмо ужано луо.

Сое лыдэ басытытэк куд-ог сельпоос но соослэн отделениосы ю октон-калтон азелы уг дасьяско. Тани Гурезь-Пудга сельполэн Кам-Ключысь отделениезлэн продавец Семенов лавказэ олокия нунал'ёсын вузкарытэк пытсаса возылэ. Та гинэ мар, со товар'ёслэсь дунзэс вош'яса дуно дунын вузалля. Со факт'ёсты таке пример'ёс но зеч возматэ: носкиослэн дунзы

2 манет но 13 коп., нош со 2 манет но 35 коп. вузалляз, горд виназэ 6 ман. 15 коп. интые со 6 манет но 30 коп. вузалляз.

Солэн таке тырмымтэ уж'ёсыз бжыт бөвл ини, куд-ог дыр'я потребительёсты обвешивать карылэ.

Таин чöш ик районной центрысь сельпо борды но етылытэк орччыны уг луы. Райцентрысь сельпо тулыс ю кизён дыр'я но ляб ужас, та бере но озы ик малпа, лэся. Колхоз бусыосысь колхозник'ёсты товар'ёсын обслуживать карыны уг дасьяскы.

Бесхозяйственной Королев

Гурезь-Пудга сельсоветысь Васькино колхозлэн председателез Королев колхозэн кивалтон сярэсь чик уг сюлмаськы.

Тани ю октон - калтон кампани дырозь лыдзем нунал'ёс кылызы, нош колхозлэн номыриз дась бөвл на. Аран машинаос тупат'ямтэ, озимой культураосты кизён но жоген вуоз, нош ю тысь шертыса дасямын бөвл.

Васькино колхозысь тырмымтэосыз вераса но уд быдты. Тани кылем арын тыэ выйтэм пыш, 7 центнерлэсь но уно жутытэк интыяз ик сисьмиз. Озы ик 4 тонна ёрос сезы куро зор улэ сисьтэмын, соин сэрэн колхозник'ёс пудо сионлы ёрмыса улызы.

Али но со колхозэн побольшевицки кивалтон понна уг сюлмаськы. Та сярэсь выль верам кыл'ёс но зеч возматэ.

Королевлэн таке безответственной уж'ёсызлы чиданы уг луы ни.

П. П.

Комаров бездействовать каре

Ср-Волково сельсоветысь „Итчи“ колхозын учет-отчетность туж урод пуктэмын. Колхозник'ёслэн ужам трудодензы май толэзь поннаез но та дырозь трудовой книгаосы гож'ямтэ на.

Колхозлэн учетчикез Комаров М. бездействовать каре. Со учетэз умой пуктон сярэсь чик уг сюлмаськы. Ужан нунал аслэстыз личной уж'ёссэ ужаса улэ. Соин сэрэн учет умой пуктэмын бөвл.

Комаровлэсь бездействовать каремзэ колхозлэн правлениез но тодэ, нош та дырозь но кычэ мераос өз куты на.

Комаров Т.

Редакторез воштысь Т. Максимов.

поттысь Райисполком

Виль-мултанысь педагогической училище 1 классаз дышеткись-ёсыз кутон ялэ

Педагогической училищее неполной шоролыко школаез яке шоролыко школазэ 7 классэ дышетскыса пыр потэм'ёс кутыськозы. Арлыдзы 15-ысен 35 аресозь.

Училищее пырысьёс заявление борды таке документ'ёс сётоно луо: 1) Вордскем сярэсь метрической свидетельствоз.

2) Дышетскем сярэсь свидетельство.

3) Кык фотографической карточка. Карточка вылын дышетскыны пырысьлэн аслаз гожскемез мед луоз. Заявениосыз кутон 10 июнысен 20 августозь мьноз.

Испытаниос 21 августысен 25 августозь мьнозы.

Нырысетй классэ пырысьёс таке предмет'ёс'я неполной шоролыко школаэн программаез'я испытание сётоно луозы.

Зуч кыл'я (устно но письменно), арифметика (устно но письменно), алгебра (письменно), геометрия, география (устно), СССР-лэн Конституциез, удмурт'ёс понна удмурт'ыл (устно но письменно) 2-ти класс'ёсы пырысьёс азыпала класс'ёслэн программаязы вань предмет'ёсын испытаниез орччоно луозы.